

續修陝西通志稿卷一百六十四

金石三十

明

增修城學記

嘉靖三十年後

石連額高九尺二寸廣三尺八寸二行縣增修城學記韓邦奇撰文劉儲秀正書樊得仁篆額二行縣增修城學記韓邦奇撰碑在下郃陽縣

郃陽縣王侯增修城學記 賜進士出身資善大夫參贊機務南

京兵部尚書前兩京四鎮六任都御史右春坊太口右庶子兼翰

林院國史修撰經筵講官苑洛韓邦奇撰 賜進士出身資政大

夫前奉勅總督倉場督理西苑農事戶部尚書咸寧西陂劉儲秀

書 朝議大書四川布政使司左參議前監察御史渭野樊得人

篆 郃陽王侯增修城學既即工侯僚屬暨郃士大夫介司訓楊

續陝西通志稿

卷一百六十四

金石三十

一一

君琳子門牆友褚子鏗來請口夫城垣固地方重務在今日尤所

當先學校固六事首政在郃陽尤所當急初自庚子以來北虜入

雲中掠至太原入口谷掠至完縣入上郡掠至口延辛亥春歸正

人傳言虜欲犯三原撫臣檄下郡縣戒焉郃陽故城女墻土歲修

歲損民口其役閱視使者至節以款口使者又不時至或妨稼穡

侯易以磚城故有損薄增築之郃陽古形勝地也被山帶河環口

深塹得人以守口數萬之口環攻歲月亦末如之何也書曰申畫

郊畿慎固封守以康四海是豈泛然興作而已乎郃陽自乙酉以

口口口幾三十年吏於土者每下視之神宮學宇傾頽至不蔽風

雨侯徹而新之且為通道已酉中式者一人郃陽古人口口也自

周卜子夏漢司馬遷之下代不乏人國家隆興科目前後相望乃

今寥落如此侯一新宮宇而士乃登科詩曰明明魯侯既作泮宮

濟濟多士口口德心夫泮宮作而多士興郃士中式是豈可爲適然而已乎城垣方六里三分園三百六十雉女牆一千三百六十塚口廡堂齋五十六間此其大者耳公廨倉敖庫獄分司神祠養濟院補葺創建幾百間夫營造固有司職務侯是役也上不動帑藏所積下不事科歛之擾民不告勞而衆工皆舉矣近見他長吏略有涓埃之舉輒請官儲數百金搜索民間千章之木爲之一空陶造之戶破產賣屋運者死於車生者苦於家四境之內鷄犬不寧冤號之聲所不忍聞其視侯何如也郃之賦稅素號難完今歲在西安諸郡邑之首招撫流民復業者蓋三百餘名侯廉而不耀嚴而不苛幽人也名納策 嘉靖三十年歲次辛亥秋九月吉日縣丞王綸主簿臧仕 教諭朱用中訓導李必澄楊琳立石

下馬陵記

嘉靖丙午

續陝西通志稿

卷一百六十四

金石三十

一一

碑高八尺二寸廣三尺七寸二十二行行五十六字張治道撰

下馬陵記

賜進士第承德郎刑部四川清吏司主事長安張治

道撰

賜進士第嘉議大夫都察院右副都御史咸寧管楫篆

賜進士第中憲大夫都察院右僉都御史西京許宗魯書

下馬

陵者漢醇儒廣川伯董仲舒先生墓也在今府治東南胭脂坡去漢長安故城二十里武帝幸芙蓉苑過此下馬而一時文士罔不下馬焉故人稱爲下馬陵云其稱爲蝦蟆陵訛也觀此則當時塚墓必高大地必寬敞祠宇必宏麗而今皆毀圯亡矣獨其墓在卑汚蘇窪之處牛羊芻牧蹂躪擻擗行道之人糞穢無虛日獨斷碑立荒草中題曰仲舒之墓而仲舒字沒其半後居民利其地毀而藏矣前弘治時提學副使王公雲鳳西安守馬公炳然偕先生裔人戶部員外郎董養民并學官諸生親詣其地相其處將欲封其墓

建祠樹碑以表雖板畚未興而規畫已定未幾各以陞遷去不果行今西安守六泉吳公下車以道誼淑士以仁禮化俗以節愛齊政以敬事鬼神三載之間人和神悅俗美化行雖古之循吏無以過也暇則考索古逸搜禮往哲乃得先生墓於此仰而歎俯而思曰先生漢大儒也當詩書焚棄之後黃老縱橫馳騁之際乃能下帷發憤續孔子之學於不傳之餘俾漢以來知有道學之源者先生之力也今幸得其墓可忍而不爲之表邪矧當時天子下馬學士奔趨其敬畏尊禮如此則士庶可知矣遂決意爲之乃以知咸寧馬君克賢篤能政有暇日遂屬焉而馬君仰承休美殫厥心力先封其塚墓次繚其垣墻又次移其祠宇又次移其廊廡又次移其門屏不兩月告成摩豁黜聖足瞻足仰聞者悅過者歎觀者驚眺跽拜突然知有先生墓也馬君以余曾記先生墓於杜碑乃屬續陝西通志稿卷一百六十四

金石三十

三一

余爲記以勒貞珉余曰先生墓自漢以來千有餘年也自我有明以來又將二百年也乃無一人來章之者今乃一旦振耀彰顯如此是不亦有待也邪舊西北里許有先生祠堂蓋亦因墓而建也嘉靖甲申巡撫都御史灤江王公移其祠於學東而未及其墓當時亦未有以墓告灤江公者人至於今議之以爲祠可建而墓不可封邪矧其碑贅具先生之事迹而不言因墓作祠之意遂使其墓荒棄弗祀矧啟聖祠建於前而先生祠幽於後而當時苟且將就權應時命不思一祠而兩具神位揆之理道乖違外謬今封其墓矣而又移其祠於墓前不惟先生之神安而啟聖祠之靈亦安矣是舉也可謂舉前代之所未舉補灤江之所未足夫豈尋常之建置可比哉嗚呼理道之在天下正氣之在人心未嘗一日無也先生之在當時以正學倡諸生以直道輔人主而公孫弘杜暹阻

故民恒苦旱惟吾邑宋侯每旱則禱禱則輒應吾民賴焉請紀于石著天人相感之機發官民交孚之義庶以彰往而昭來也歲丁亥邵陽縣春三月不雨至於夏四月二菽將枯三麥鮮望侯有憂之迺劉牲灌酒享獻如儀敬斯至矣侯曰是以禮禱也吾將以身禱焉乃服素食蔬出舍如郊誠斯至矣侯曰是民之禱也非治民者之禱也乃清積口寬逋限省訟牒禮賢稽衆問民疾苦群情胥悅不三日天迺大雨四野沾足歲乃大獲民口懽呼慶謝歸之侯焉洪範經曰僭恒陽若又時雨若夫天人相感之際微矣惟侯憂民之口切祈天之心真始於禮反於身達於政罔弗用情是故鬼神格陰陽和霖雨作固不可謂無是理也吾聞侯之治邵陽也蒞政勤遇事敏廉而不耀肅而有惠一時稱爲良吏然則侯之禱也久矣語曰有不勝之天無不勝之人如諸生之述侯也地高而陽續陝西通志稿卷一百六十四金石二十 五

按察司紀事碑

隆慶二年

石高三尺五寸廣四尺五寸共六十行行字大小不一不計

陝西按察司紀事碑 隆慶二年秋九月余以寡昧承匱秦臬時

令六掾吏條具所司見其事體舛謬職掌紛裂再浹旬當分遣羣役之諸路分司又闕然盈庭人執一辭莫知所是嗚呼權衡具而物不能遁情規矩設而工不能廢度蓋理有先定而不可易故爾于是檢舊牘詰奸本酌輿論稽法典釐爲五事白上諸台報可爰付所司將見諸行事屬同案學憲曾君清戎李君僉以爲吾憲司紀法之宗也前無所述後將曷觀焉盍鏡諸貞珉以諭來者會監

察御史王公批答亦已宜刊刻版榜立為成規以示久遠謹用列諸下項聊紀所由豈曰議法自已云 隆慶二年二月吉日按察使曹金副使曾省吾李台同命工立

按中間陳列五事一清理刑名以正職掌一議處見役撥道事規一革奸弊以正司規一比例議處効勞陞參事規一議處偏累吏役工費呈文批詞頗為詳盡惟均係約束本署吏役無關地方大計故刪棄弗錄存其梗概可也

千金寶要

存隆慶六年錄方繁不錄

原石未見不詳多疑尺寸照拓本錄入共分六卷一百六十五頁秦王序謝沾正書在耀州

刻千金寶要序

千金寶要者宋徽猷閣直學士郭思按唐孫真人先生所集千金方中纂要者也宣和六年思曾刻石于華州公署我明正統八年華州知州劉整重刻景泰六年知州楊勝賢以

續陝西通志稿

卷一百六十四

金石三十

六一

石刻冬月不便摹印易刊木板往年春予得之喜其方之簡便藥之近易醫不煩而取效速信有功于人之實用迺珍如拱璧不容自秘已命壽之梓矣竊惟寶要纂自真人千金方中天下之遊耀州真人洞者歲無虛日日無虛時願獨不立石于真人洞前非所以廣其傳也因刻于洞前云 隆慶六年歲在壬申春三月上吉秦王守中識 委官李海立 生員謝沾書 敝羽鄒鳳臯刻

海上方

存隆慶六年錄歌繁不錄

原石未見不詳尺寸數日照拓本錄入共三十四頁秦王序謝沾正書在耀州

重刻海上方序

孫真人海上方洞有舊石刻第以碑小方多字

畫傷于瑣屑不便檢閱且舛譌太甚迺令生員謝沾細加訂証礮石大書舊有木刻病症列于目錄詩首止刻號數讀者須尋病于前而求方於後尤為不便茲將病症即列詩首似亦省目其他風

藥論及九轉靈丹諸方洞前已有楷書大碑茲不復贅及之 隆慶六年歲在壬申三月之吉秦王守中識 委官李海立 生員謝沾書 設初鄒鳳臯刻

太玄洞穿井記

隆慶六年文錄後

石高二尺五寸廣四尺二十行行字不等謝沾撰文并行書在耀州

太玄洞穿井記 耀州東五里許有山曰五臺臺有石洞唐隱君

子孫公會居于是人高其行因目之曰太玄洞至今夢寐中猶授人以藥又有乞水以治療者謂之曰法水然洞在山石間不能為井其水率遠取南北兩村動以里計甚不便焉我秦國主重孫公之靈重修殿宇煥然一新今歲五月我太國母李偶爾違和國主遙禱于孫遣官劉公明取水于山歸而服之果取速效即復遣劉及李公海相其地宜乃于洞之道左為二井一為食水井一為法續陝西志通稿卷一百六十四 金石三十 七一

水井今之禱而取水者其獲效又廣于往時是孫公之惠託于吾主而益衍吾主之澤又託于孫公而溥博矣遂於上構屋二楹龕石為口簷石隨楹因扁其一曰太玄法水而余紀其歲月始末如此云時隆慶六年六月望日 秦府委官劉明 李海立 生員

謝沾撰書 關中張尙信口 本洞署道正事董演濟口口

御製祝文碑

萬曆元年文錄後

碑連額高九尺尺九寸廣三尺七寸五分兩額刻上祝文四字祝文下藏刻石星記陳輝識行字不齊正書額題御製祝文四字

書在中

萬曆元年歲次癸酉肆月朔越拾陸日乙丑皇帝遣尙寶司少卿石星致祭于黃帝軒轅氏曰於維神聖挺生遂古開物成務立極繼天功參二儀澤垂萬世茲予祗承天序明祀式修仰惟鑒歆永綏運祚尙饗

先帝早棄群臣今上嗣位改元萬曆春例當遣祭海內曆代帝王園林以即位正始告維臣星起自廢棄備員近侍因得恭承上命致祭黃帝軒轅氏之橋陵陵遠在延安之中部臣奉命過里不暇煖席即晝夜兼程甫旬日而致祭其下蓋不敢不虔且勤矣臣歷考牒記口當宓義神農洪口口口口堯舜未文明之先乃能獨運神智創爲律呂管絃衣服車旗之制以闡洪荒而兆文明其功可謂茂已顧口俗所傳鼎湖飛龍之說近於方外道家者流其語不經見臣不敢信要之帝之靈固如日月江河之照耀流行於天地間雖至今存焉臣祀告於茲因之重有感焉夫祭之舉爲即位正始告也向使國家有萬年之壽即未必有改元之事元不必改則祀亦不必舉故祭之舉爲國家之大不幸而臣子之所諱言也然自世宗以來七年之內祭告者二其如社稷蒼生何哉臣俯仰今續陝西通志稿卷一百六十四

金石三十

八一

昔得無慨然太息流涕乎然此天下乃帝相傳至今之天下也今上乃帝所陰託以守神器於異世者也今之臣民乃帝之所攀號莫及之臣子以翼戴乎帝者也夫帝之靈固至今存矣則所以從茲以往而爲斯世斯民之主計者能無陰佑默相於無窮矣乎臣不勝祝願書以識歲月一時共事者爲延安守陳君燁也而鄜州守中部洛川宜君諸守令亦併書之 萬曆元年夏肆月拾陸日尙寶司少卿臣石星頓首謹記

余以嘉靖壬戌通籍明年癸亥除虞部丙寅遷屯田郎中是年世宗賓大永陵之役余實董之嗚呼余哭世宗矣隆慶改元丁卯出守眞定己巳謫刺同州旋遷南刑郎中辛未復領延郡壬午而穆宗賓天嗚呼余又哭穆宗焉蓋六年之間兩見國哀俯仰今昔撫時即事臣子至痛曷維其已讀石公之言固重有感焉耳矣 萬

曆元祀十月初吉琅邪陳燁識 鄆州知州王之藩 中部知縣
衛汝霖 洛川知縣李口儀 宜君知縣李恭同立

蓬華峯玄帝廟記 萬曆七年

按此碑係萬曆七年二月望日延安府知府南郡洪濟遠撰立
高八尺二寸廣四尺一寸三十行行八十一字惟前泐三行餘
下半約十餘字全無筆畫可尋中間亦多漫漶文不能讀即其
可辨者尋繹其意前半詳述延屬地方之苦丁役賦稅之繁重
民不聊生強半逃亡中述其改丁役爲募夫改絲銀爲足銀捐
俸修廟以順輿情末且述神人見夢各節全文約二千餘字石
質太粗未四百年已漫漶不可辨識惜哉故畧誌其梗概如是

建玄祠洪公德政碑 萬曆七年

按此碑高八尺六寸廣四尺一寸二十八行下截尺餘漫漶字
續陝西通志稿 卷一百六十四 金石三十一 九

數無稽文不能讀結銜爲賜進士第資善大夫參贊機務南京
兵部尙書前奉勅總督薊遼軍門都察院右都御史特進勳階
賜飛魚服食一品俸治生楊兆頌首拜撰時則萬曆七年春三
月碑畧云昔曾遇虜羣祝玄帝云虜退立廟以報之遂捐俸以
助之嗣四方貢祀載路香資報餘三百金乃公積之以爲丁役
費由是歲收香資歲節民財子孫賴之且刊八行圖家常善圖
以頌民勸農圃教桑麻延城屢修屢傾公易以石基以磚砌之
且植樹千餘故百年鞏固不煩更修致使延州之民依我邦族
者樂樂利利適彼樂土者歸與歸與故延民敬如韓范親如父
母云云文亦冗長撮要如是所謂洪公即洪濟遠也

萬佛洞詩刻 萬曆九年

石高二尺四寸廣四尺八寸十五行行字不等體口數五十一
首并草書在廟施縣

古洞秋深處諸天最上頭凝空金色滿繞座佛光浮地僻塵難到
官閑我勝遊凭欄看未足邊月上延州 萬曆九年八月十日蜀
懷錦川人龔口賢登萬佛洞

智果寺聖旨碑

存 萬曆十六年

碑連額高九尺二寸廣四尺四寸兩邊飛龍印花紋四寸三分三
截上截額勒寺僧諭十寸五分中截御製印施藏經序中三分三
一十七行十八字下截申時行讚序

皇帝勅諭洋縣智果寺住持及衆人等 朕惟佛氏之教具在經
典用以化導善類覺悟群迷于護國佑民不爲無助茲者聖母慈
聖宣文明肅皇太后命工刊印續入藏經四十一函并舊刻藏經
六百三十七函通行頒布本寺爾等務須莊嚴持誦尊奉珍藏不
許諸色人等故行褻玩致有遺失損壞特賜護持以垂永久欽哉
故諭 萬曆十四年九月立

續陝西通志稿

卷一百六十四

金石三十

十一

御製聖母印施藏經序 朕聞儒術之外釋氏有作以虛無爲宗

旨以濟度爲妙用其真銓密微其灑派閎演貞觀而後代譯歲增
兼總群言包口八極貝葉有所不盡龍藏有所難窮惟茲藏經繕
始于永樂庚子梓成于正統庚申大乘般若以下口六百三十七
函我聖母慈聖宣文明肅皇太后又益以華嚴懸談以下四十一
函而釋典大備矣一心生萬瀆萬瀆歸一心諸佛心印人人共足
勸善覺迷諸苦解脫一覺一善皆資勝因是以聞其風者億兆爲
之翕習慕其教者賢愚靡不歸依則知刑賞所及權衡制之刑賞
所不及善瀆隔之蓋生成之表別有陶冶矣先師素王亦云聖人
神道以設教善世而博化諦觀象教詎不信然恭維聖母濬發宏
願普濟群倫遂托忠誠誘善勤侍傳宣廣修衆因乃印禪經布施
淨土口口梵宇齋施僧倫成修寶塔立豎於虛空繪塑金容散捨

於大地濟貧拔苦口救孤幽無善不作無德不備證三生於此世
今生明四智於六通心地普惠雲興普賢瓶瀉大垂玄澤甘露霑
灑于三千徧覆慈雲灑雨滋培于百億無微無鉅咸受益而蒙榮
有性有生盡餐餼而飲惠俾福利之田與人同樂仁壽之域舉世
咸登如是功德詎可思議且如來果報從無量功德生一切善言
之讚歎一切善氣之導凝我聖母延齡如天永永我國家保泰降
福穰穰矣於乎盛大覺之教宜其起九流而處尊偕三五以傳遠
也 萬曆十四年九月口日

聖母印施佛藏經讚

有序

少師兼太子太師吏部尙書中極殿

大學士臣申時行等奉勅撰

臣等竊聞釋教來自西土興於東

漢其說主清淨出世帝王所不道然而訓化廣大義旨遐深要歸
於澄澈心性利濟民物是以雖當儒道昌明宇宙淳和之際而其
續陝西通志稿 卷一百六十四 金石三十 十一

書不廢大乘般若以來祖祖相承心心相印卷帙益多口爲大藏
總括禪言武庫莫方其富口函禁地縉流弗覩其全非俟上聖垂
仁曷以播宣斯理我聖母慈聖宣文明肅皇太后德冒人寰功周
瀛界融最上之眞諦口大覺之弘慈乃印施茲藏以祝延我皇上
無疆之曆而推其餘以佑國庇民意甚盛也臣等因得涉獵稍窺
玄微似於儒理亦有相發明者焉謹對揚皇上之休命奉宣聖母
之德音拜手稽首爲讚曰 粵惟聖道如日麗天萬有畢照誕被
八埏亦有釋教如月破闇接引未來超登彼岸於皇聖母毓成帝
德治化不覃億兆寧一我弘大願永拔沈淪外息諸緣內淨六根
嘉與衆生永臻覺路皈依十方如寐得寤諸佛妙義如恒河沙示
權顯實會演三車若誦一句若說半偈是人功德盡未來際况茲
大藏建寺延僧成修寶塔造捨金容廣施貧苦普救幽冥功德無

等喻如虛空續焰方燈灌頂輸露火宅清涼昏口錫炬迷川寶筏
如無盡意似功德林廣度有情四流六道咸歸正乘微塵國土徧
蒙佛力一一國土皆聖母德微塵世劫流布施經一一世劫皆聖
母齡迺唯本願爲帝祝釐天子萬壽與天巍巍載惟本願爲國祈
福天子惠民澤施滲口匪民是庇國祚茂延口口口口日月並懸
是藏流行無界無盡施者功德亦莫究竟 皇明萬曆十六年四
月二十四日 欽差整飭漢羌兵備兼管民鹽法水利分巡關南
道陝西按察司僉事臣郭口口 陝西漢中府臣由理門 陝西
漢中府洋縣知縣臣李口中

觀音禪院記

存碑二文錄後

碑高八尺五寸廣四尺一寸十九行行四十九字王恕撰文梁澤正書并篆額在三原縣

增修觀音禪院記

賜進士光祿大夫柱國太子太保吏部尙書

續陝西通志稿

卷一百六十四

金石三十

十二

致仕石渠老人同邑王恕撰

賜進士大中大夫浙江承宣布政

使司左參政前遼東苑馬司卿同邑梁澤書并篆

佛法之興基

乎西土漢之時始流入中國嗣是以來上自王公貴人下至閭閻
小民莫不是崇是信而其間業儒秉彝辭而闢之者亦非一人其
信之者不知果有何見亦不知徒聞其說也其闢之者不知釋其
理而知其不然亦不知有所據而謂其的不然也二者衆人固不
能知惟有識者爲能知之也然闢之者雖衆而塔廟之在天下內
自京都外及鄙邑以及遐陬僻壤無處無之久則廢廢則興塔廟
雖有時乎廢興而其教則未嘗息也吾三原北郭之西北奉佛之
所有曰觀音禪寺者肇自金大定間國朝初撤而新之爲僧會司
而規模猶狹隘也永樂間僧瓊公王庭爲之殿爲之山門視昔雖
有加而猶未宏敞也正統天順以來前僧會惠朗今僧會智詠等

端乃心潔乃行益精其業益闡其教而人信之者益衆捨金帛而
施地土者接踵而日積月累所得寢廣乃謀諸衆鳩工度材爲大
雄殿陸楹在舊殿之後藏殿四楹在舊殿之前翼廊廡於左右而
間之以伽藍祖師之祠以至方丈庖廩井竈之類凡禪林所宜有
者靡不具黝堊丹漆煥然一新道場於是乎始宏敞而壯麗焉自
茲焚修香火祝延聖壽舉無不稱而四方來觀者亦無不稱其美
誠吾邑中第一叢林也然是役也自經始至落成前後幾四十年
其用心亦勞矣哉嗚呼使凡爲人子者承先人之祠宇能如諸公
之用心未有不謂之孝凡爲人臣者受朝廷之職理朝廷之政務
能如諸公之用心未有不謂之忠夫忠孝二者原於天而具於人
乃性分之所固有職分之所當爲而又有禮樂刑政治之教之尙
有未之能者今佛氏以寂滅苦空之教不待刑驅勢迫其徒崇奉
續陝西通志稿 卷一百六十四 金石三十 十三

之若此者非惟無識者不之曉雖有識者亦不能無惑於其間予
家食時嘗讀書於其中因與朗詠二公識暇則與之語而觀其行
其所可取者殆非一二噫斯二公也蓋尊其教而不爲其教之所
拘泥者歟朗公已去世矣詠公一日以增修顛末屬筆於予故不
辭而以是與之 皆大明弘治十有八年歲次乙丑十月壬子吉
日 僧會司僧會惠斌前僧會智詠徒孫口等立 高陵周鳳翔
鐫 萬曆二十年歲次壬辰八月己酉吉日 署僧會司性閑立
經口口口口口口重立

按端毅公一代名臣胸羅千古豈復沾沾於釋氏惟桑梓情誼
不能不爲此應酬文字然不佞佛不闢佛第就信仰之深與締
造之艱引出忠孝二字不失身分而面面周到洵羚羊掛角文
字碑末行字多剝落

修葺文廟記

萬曆二十二年

石高八尺一寸廣三尺一寸二十行行五十字王道統撰文正

咸寧長安二縣尹修葺文廟記 大哉聖人之道亡古亡今不增不損非晦非顯能爲而能不爲爰有律曆所不能契者修道之謂教則賢者勉焉故聖人以宣聖爲極道德作萬世師安在無土不王而廟貌穆穆匪曰神道設教寔以報德報功焉耳自有禩典以來事人人崇莫之敢輟有司之駿奔於焉豫矣是歲之春撫臺劉公瞻拜廟廷已而下修葺之令禮也督學沈公講道堂皇唯修葺之令是申職也咸寧縣尹李君長安縣尹沈君唯修葺之令是從有司存也受令以來屬屬唯謹諏日蠲吉庀材鳩工尤數數躬自周旋於松檜間指揮厝置一切工役亦莫不驩然趨事馨鼓無庸於是乎壞者更闕者補敝者新絲殿宇而兩廡絲門舍而諸廚絲續陝西通志稿卷一百六十四 金石三十 十四一 頽池以及學宮靡不畢舉丹雘金碧天蟠黝糾煒煒煌煌若陽若陰瞠焉悚神口之歎目歸虛數仞之牆儼虛宗廟之美悅虛百官之富大哉聖人之道能令修道者之心恢拓於崇報之墜若此咸寧丞楊君炅主簿施君永壽一日過不敏曰二邑君侯有文廟之役也已告成矣藐予下吏朝夕是從亦獲効其勞二邑君侯之從事而劬慙急先也工不日竣口所不能罄茲且礪石以紀其事下吏之願也公其圖之不敏聳之則揖而對曰大哉孔子百代景行步趨者髣髴其心神私淑者摹擬其遺範至於薦紳縫掖之士欲蒲伏者安歸乎歸於廟廷也是故經之營之口之豆之則良有司任也傳之述之弦之歌之則誦法者事也茲二君之修葺而善也豈待政教發徵期會哉是心說誠服之誼也是人子晨昏之節而人臣不敢後君之念也惡庸言若夫紀其歲月以啟後人之繼修

者不容諉也是石亦何可少哉李君名得中內鄉人沈君名聽之皆絲賢科而爲西安之循良吏 嘗萬歷二十二年歲在甲午夏五月上浣之吉 賜進士出身中憲大夫四川按察司兵備副使長安王道統頓首記 修職郎咸寧縣縣丞前光祿寺良醞署鹽事蒲坂楊吳登仕郎咸寧縣主簿秦安施永壽立

重修正學書院記

存 萬曆二十二年

石高七尺五寸廣三尺四寸十九行行五十四字正九儀撰文

重修正學書院記

賜進士第奉政大夫原奉勅分巡大梁整飭

睢陳歸德等處兵備河南按察司僉事前河南江西道監察御史邑人王九儀頓首拜撰 正學書院舊未有也遂寧遂菴楊公始創爲之關中人士於斯爲盛則楊公之爲也至江陵柄政遂一切罷之而正學書院與焉江陵政尙操切天下奉令如逐奔馬無論續陝西通志稿卷一百六十四 金石三十 十五

棟宇榱桷狼籍道左即木主祭器亦持鬻民間無少顧忌至使匹夫匹婦爲之興嗟而舉世莫敢爲之非者卽大儒不免焉其漸使然也故曰漸之所染實育不返靡之所成海岳將傾嗚呼天下事皆然寧獨一書院哉夫自有書院以來其間直言極諫之士項背相望也秉鈞而持衡者代不乏人乃未言其可毀者亦未有奮然主其毀者而江陵爲之而楊公一代宗臣也使其可毀則何不先爲之矣而江陵毀之亦異乎公孫僑矣宜乎毀之未幾而旋詔復之而因陋就簡已非其舊加之壬辰癸巳盛夏積雨其因以傾壞何怪也乃當事者以其繕修事寄之長安邑侯商城沈公焉公受令之日與咸寧李公計議復興如肯堂構不以公事視而以家事視鳩工庀材不日而成官無費事民不告勞巍然煥然可以復楊公之盛而遙觀厥成矣文事之興豈不由乎人也哉使江陵而遂

寧也則書院可以無毀矣使毀之而有公其人者亦未必其如此之甚也安知正學書院不爲魯靈光乎昔太史公論著循良吏僅僅五人而鄭子產與焉今觀其政當子產時學校弛矣子衿之篇顯著於風而毀鄉校之說又出於其時乃子產不維不之聽也且曰教其子弟至來與人之頌太史公曰奉法循理亦可爲治何必威嚴哉此可以觀子產矣循良所爲大率類此寧文事賴之實社稷之庇也他日踐斗當不在楊公下矣恨余不能爲司馬子之傳也適有學博李石趙三君求爲之記余念子產而外有若文翁有若王成皆加意教化也而傳於文翁佚其字於王成佚其州邑則史氏之失也乃今三君備書諸公之姓字履歷使來者得考焉因載沈令公名聽之商城人壬辰進士李令公名得中內鄉人已丑進士嘉意正學用垂永賴者督學憲使烏程沈公季文其觀樂而續陝西通志稿卷一百六十四 金石三十 十六

贊成者西安太守益都曹公璜二守東阿馬公英井陘李公邦平麻城羅公樹聲三守巴縣曾公士毅四守益都李公時輝相長吏與有勞績者長安縣丞張君沈主簿王君汝爲至若教授李君果教諭石君可大趙君萬邦訓導稍君一本張君恕李君凌雲楊君思文侯君賓王楊君橘郝君邦宰楊君遇春李君一化例得併書云 萬曆二十二年歲次甲午仲冬之吉 長安縣學生員馮敬

吾篆 卜相刻

重修城隍廟碑

存 文錄後 萬曆 辛丑

石高八尺四寸廣三尺五寸二十三行行七十五字楊紹祖撰文并行書徐明篆額在岐山縣

重修城隍廟碑

賜進士第亞中大夫山西布政使司右參政前

翰林院庶吉士邑人楊紹祖撰書

賜進士第文林郎山西聞喜

縣知縣前都察院觀政邑人徐明篆額

廟在縣西北隅當剏縣

時即有廟久而頽敝修葺屬之鄉人萬曆初內江馬公來宰是邑始捐俸入拓新之有碑紀其事越廿年灤城陳公蒲坂張公先後至復修繕加壯麗堂寢廊廡殖殖噉噉綽楔翼如鐘鼓樓閣相望而繚垣環其外其於妥神靈答明呪之制甚稱往代城隍咸有封號聖祖御極首釐正祀典諸不經咸罷去之止稱郡縣城隍之神春秋禮與山川社稷等誠重之也夫詩詠維城易謹復隍以爲民爾旣以合一邑之精神誠敬而嚴事之則以神之威命明爽而有告有報有所祭法曰能禦大災捍大患則祀之夫使之保有四境兩陽時若年穀順成而人無盜賊水火饑寒天札之患誰爲之也守土者焉得不兢兢也令申諸司蒞任之初當諭告僚屬聖祖親爲制詞首日事神治民夫不徒曰治民而先之以事神大哉皇言蓋已澈幽明之故而示天下百司以龜鏡卓乎不可尙已自世儒續陝西通志稿卷一百六十四

金石三十

十七

溺於所聞以爲神道遠一切文具視之抑或屑越於吏事而於民之疾苦痛痒漫不相關傳曰民神之主也彼其人道之不能理又何於神蓋孔子有言吾祭則受福而於季路事鬼神之間以事人先之豈不以身寄民社之衆明德穢德小民之不可欺卽神之所爲靈也必其潔已奉公求所以休息長養而不忍後之以生夫然後民和而神降之福不然雖饗祀豐潔神其吐之乎馬之廉靜陳之端慤張之介敏皆以良有司奉宣聖天子子惠元元之德意其於神豈直一土木觀美之爲乎格哉昔者神降于莘錫虢以土田而內史過猶曰神聰明正直而一者也號多涼德其何土之能得後之長民者入其廟詢之公得神之由攷德論政亦當世失得之林已馬公名彥卿陳公名文郁張公名名坤事旣竣於是邑人楊紹祖次其事之始末爲樂章三闋令祭者歌之侑神焉 桂殿兮